



## 55. Körfuknattleiksþing | 25. mars 2023

Þingskjal nr. 16 – Reglugerð um körfuknattleiksmót

Tillaga þessi barst eftir að tillögufrestur rann út. Leita þarf afbrigða á Körfuknattleiksþingi til að taka tillöguna til umræðu og atkvæðagreiðslu. Til þess þarf 2/3 hluti þingheims að samþykkja að tillagan sé tekin fyrir.

### Reglugerð um körfuknattleiksmót

#### 25. grein

##### ÍSLANDSMÓT YNGRI FLOKKA

[...]

Í minnibolta 10 ára skulu leiknar fjórar umferðir á hverju tímabili.

Í minnibolta 11 ára, 7. og 8. og 9. flokki skulu leiknar fimm umferðir á hverju keppnistímabili.

[...]

Í 7. og 8. og 9. flokki ávinnur það félag sem flest stig hlýtur úr fjórum fyrstu umferðum A-riðils Íslandsmóts sér rétt til að halda fimmtu umferð Íslandsmóts á sínum heimavelli.

[...]

Stjórn KKI er heimilt að innheimta svo kallað 15.000 kr. úrslitakeppnisgjald af þeim félögum sem komast í úrslitakeppni í yngri flokkum (910. fl.-u.fl.). Þeim peningum skal varið til að gera umgjörð úrslitaleikjanna sem glæsilegasta.

[...]

#### 30. grein

##### 9. FLOKKUR DRENGJA

- Aldur: 14 ára eða 9. bekkur grunnskólans.
- Hálfleikur: 5 mínútur, 1 mínúta milli leikhluta.
- Leiktími: 4 x 8 mínútur.
- Leikhlé: 2 í hálfleik.

Ekki er heimilt að leika svæðisvörn í 9. flokki, hvorki á varnar- né sóknarvelli. Verði lið uppvíst að því að spila ólöglega vörn skal stöðva leikinn og aðvara þjálfara brotlega liðsins. Við endurtekin brot skal dæma tæknivillu (C) á þjálfara brotlega liðsins.

Vísað til:  Allsherjarnefndar  Fjárhagsnefndar  Laga- og leikreglanefndar  
Afgreitt:  Samþykkt óbreytt  Samþykkt með breytingum  Felld



## 55. Körfuknattleiksþing | 25. mars 2023

Pingskjal nr. 16 – Reglugerð um körfuknattleiksmót

7 leikjahæstu leikmönnum A liðs er óheimilt að leika með B liði.

14 leikjahæstu leikmönnum A og B liða samanlagt, er óheimilt að leika með C liði o.s.frv.

### Deildarkeppni

~~Í 9. flokki skal leikið í deildarkeppni heima og að heiman. Leika skal í einum riðli (deild) þegar félög eru 11 eða færri en í tveimur riðlum ef félög eru 12 eða fleiri.~~

~~Mótanefnd KKÍ skal útfæra keppnisfyrirkomulag verði félög sem taka þátt 19 eða fleiri. Ef leikið er í tveimur eða fleiri deildum skulu félög skiptast í deildir sem hér segir: Árangur í 8. flokki árið á undan skal gilda til að raða. Þau lið sem röðuðu sér efst að lokinni riðlakeppni í 8. flokki fara í 1. deild, önnur lið keppa í 2. deild, og ef með þarf 3. og 4. deild.~~

~~Hvert lið skal leika 18 leiki í deildarkeppni yfir tímabilið óháð fjölda þátttökuliða. [...]~~

## 39. grein

### 9. FLOKKUR STÚLKNA

- Aldur: 14 ára eða 9. bekkur grunnskólans.
- Hálfleikur: 5 mínútur, 1 mínúta milli leikhluta.
- Leiktími: 4 x 8 mínútur.
- Leikhlé: 2 í hálfleik.

Ekki er heimilt að leika svæðisvörn í 9. flokki, hvorki á varnar- né sóknarvelli. Verði lið uppvíst að því að spila ólöglega vörn skal stöðva leikinn og aðvara þjálfara brotlega liðsins. Við endurtekin brot skal dæma tæknivillu (C) á þjálfara brotlega liðsins.

7 leikjahæstu leikmönnum A liðs er óheimilt að leika með B liði.

14 leikjahæstu leikmönnum A og B liða samanlagt, er óheimilt að leika með C liði o.s.frv.

### Deildarkeppni

~~Í 9. flokki skal leikið í deildarkeppni heima og að heiman. Leika skal í einum riðli (deild) þegar félög eru 11 eða færri en í tveimur riðlum ef félög eru 12 eða fleiri.~~

~~Mótanefnd KKÍ skal útfæra keppnisfyrirkomulag verði félög sem taka þátt 19 eða fleiri. Ef leikið er í tveimur eða fleiri deildum skulu félög skiptast í deildir sem hér~~

**Vísað til:**  Allsherjarnefndar  Fjárhagsnefndar  Laga- og leikreglanefndar  
**Afgreitt:**  Samþykkt óbreytt  Samþykkt með breytingum  Felld



## 55. Körfuknattleiksþing | 25. mars 2023

Pingskjal nr. 16 – Reglugerð um körfuknattleiksmót

segir: Árangur í 8. flokki árið á undan skal gilda til að raða. Þau lið sem röðuðu sér efst að lokinni riðlakeppni í 8. flokki fara í 1. deild, önnur lið keppa í 2. deild, og ef með þarf 3. og 4. deild.

Hvert lið skal leika 18 leiki í deildarkeppni yfir tímabilið óháð fjölda þátttökuliða.

### Greinargerð:

Tillaga frá körfuknattleiksdeild Vestra um að 9. flokkur drengja og stúlkna leiki aftur á fjölliðamótum í stað leikja í deildarkeppni, heima og að heiman. Sú breyting sem gerð var á leikjafyrirkomulagi 9. flokks drengja og stúlkna að liðin hættu að leika á fjölliðamótum en fóru þess í stað að leika leiki heima og heiman hefur reynst erfið í framkvæmd af mörgum ástæðum. Sumar af þessum ástæðum ættu við fleiri aldursflokka en við viljum beina sjónum okkar að 9. flokki vegna ungs aldurs þeirra.

#### 1. Fjölgun ferða eða ígildi fjölliðamóta

Fyrir mörg lið utan af landi þýðir leikjafyrirkomulagið heima og heiman annað hvort mikla fjölgun ferða á keppnistímabilinu eða þá að þau lið reyna að raða saman leikjum í hverri ferð og eru þá farin að spila eins og í fjölliðamóti. Það að landsbyggðalið endi á að spila í n.k. fjölliðamótum er ekki dæmi um það jafnræði sem á að vera innan körfuknattleikshreyfingarinnar.

#### 2. Mikið um frestanir á leikjum

Nokkuð mikið er um frestanir á leikjum, bæði vegna veðurs en líka vegna þess að ekki næst í lið eða það vantar fararstjóra. Þessar frestanir koma oft í ljós frekar seint og leikmenn eru því bundnir margar helgar yfir keppnistímabilið að óþörfu.

Flestir krakkar í 9. flokki elska íþróttina sína en þetta eru líka unglingar sem eiga sér fjölskyldu, vini og önnur áhugamál. Það er því ekki vænlegt til að auka áhuga þeirra á að vera meira og minna bundin allt keppnistímabilið m.t.t. allra frestana sem eru. Rannsóknir sýna að þau eru á þeim aldri sem brotthvarf verður hvað mest úr íþróttum og það er því okkar hlutverk sem körfuknattleikshreyfingar að sporna við því eins og hægt er.

#### 3. Aukinn kostnaður iðkenda

Fjölgun ferða landsbyggðaliða hefur í för með sér aukinn kostnað, ekki bara beinan ferðakostnað heldur líka í gistikostnað. Eftir Covid hefur verið erfiðara að komast að í ódýru húsnæði eins og skólum til að gista og því þurfa lið oftast að reiða sig á gistingu á gistiheimilum eða hótelum. Með fjölgun ferðamanna er alltaf að verða erfiðara að fá slíka gistingu á viðráðanlegu verði auk þess sem

Vísað til:  Allsherjarnefndar  Fjárhagsnefndar  Laga- og leikreglnanefndar  
Afgreitt:  Samþykkt óbreytt  Samþykkt með breytingum  Felld



## 55. Körfuknattleiksping | 25. mars 2023

Pingskjal nr. 16 – Reglugerð um körfuknattleiksmót

sífelldar frestanir gera liðum erfitt með að bóka gistingu langt fram í tímann. Sumir gististaðir fara auk þess fram á staðfestingargjald og/eða greiðslu nokkrum dögum fyrr og seinkomin frestur þýðir þá glataður peningur. Þessi aukni kostnaður þýðir meiri fjáröflun sem nóg er af fyrir og getur því miður leitt til þess að fæla iðkendur frá körfuknattleiksíþróttinni.

#### 4. Óþarfa binding í íþróttahúsum

Tíðar frestanir á leikjum valda óþarfa hringlandahætti í íþróttahúsum sem flest eru yfirfull nú þegar. Verið er að taka frá leiktíma sem þarf síðan ekki að nýta, oft með mjög stuttum fyrirvara.

Þórir Guðmundsson, Vestri

Vísað til:  Allsherjarnefndar  Fjárhagsnefndar  Laga- og leikreglanefndar  
Afgreitt:  Samþykkt óbreytt  Samþykkt með breytingum  Felld



## 55. Körfuknattleiksping | 25. mars 2023

Pingskjal nr. 16 – Reglugerð um körfuknattleiksmót

### Umsögn mótanefndar KKÍ

Mótanefnd telur mótahaldið ekki ráða við að fjölga þeim flokkum sem leika í fjölleiðamótum. Eins og sakir standa, þá er það mikið og vandasamt verk að koma fjölleiðamótum fyrir. Það hefur ekki alltaf gengið, og stöku riðlar hafa þá farið í heima og að heiman fyrirkomulag með auknu álagi og vinnu á aðildarfélögin. Sem dæmi má nefna að í 8. flokki á þessu tímabili þarf að finna 13 riðlum leikstaði í hverri umferð. Fjölleiðamót 9. flokks tekur 16 klst í íþróttahúsi yfir heila helgi. Miðað við það verður vandséð hvernig mótum verður komið fyrir, þar sem mörg íþróttahús eru þétt setin nú þegar og vandasamt að koma fjölleiðamótum 7. og 8. flokks fyrir, sem taka um 11 klst yfir helgi.

Mótanefnd bendir einnig á að með því að setja 9. flokk í fjölleiðamót að þá fjölgi ferðum fyrir lið utan af landi, sem geta þá þurft að ferðast fimm sinnum yfir keppnistímabilið, oft um langan veg. Í deildarkeppni yngri flokka geta félög, hafi þau vilja til, parað saman þremur leikjum í ferð og farið í þrjár ferðir, en það er vissulega hverju félagi í sjálfsvald sett.

Varðandi frestanir leikja, þá á það við um stöku leiki. Í vetur hefur alls sjö (7) leikjum í 9. flokki drengja og stúlkna verið frestað af þeim 441 sem eru á dagskrá. Nauðsynlegt er að gera greinarmun annars vegar á frestunum leikja af hálfu mótanefndar og hins vegar á færslu leikja sem eiga sér stað með samkomulagi félaga. Talsvert er um færslur leikja, langt umfram frestanir. Umræddar færslur eru eitthvað sem félögin geta hæglega stjórnað. Jafnframt má nefna að fresta hefur þurft fjölleiðamótum í vetur með tilheyrandi vinnu fyrir þau félög sem að því koma.

Jafnframt má benda á að leikmönnum er gefið betra tækifæri til eðlilegrar endurheimtar sem og undirbúnings og fjarvera stöku leikmanna vegna veikinda, skólafría eða fjölskylduaðstæðna hefur ekki jafn mikil áhrif á úrslit leikja eins og er þegar leikið er í fjölleiðamótsfyrirkomulagi. Jafnframt minnkar deildarkeppni hálfvullorðinna eða fullorðinna líkama þá meiðslahættu sem fylgir keppni. Mikið álag, sem myndast þegar leikið er í fjölleiðamótsfyrirkomulagi, eykur meiðslahættu umtalsvert og setur þannig okkar efnilegustu íþróttamenn í talsverða og óþarfa hættu. Í þessu samhengi er bent á rannsókn frá Luke et al., 2011:

*When scheduling youth sporting events, potential activity volume and intensity over any 48-hour period, recovery time between all training and competition bouts, and potential between-day sleep time ( $\geq 7$  hours) should be considered to optimize safety. An overscheduling injury can be defined as an injury related to excessive planned physical activity without adequate time for rest and*

**Vísað til:**  Allsherjarnefndar  Fjárhagsnefndar  Laga- og leikreglanefndar  
**Afgreitt:**  Samþykkt óbreytt  Samþykkt með breytingum  Felld



## 55. Körfuknattleiksþing | 25. mars 2023

Þingskjal nr. 16 – Reglugerð um körfuknattleiksmót

*recovery, including between training sessions/competitions and consecutive days.*

Sömuleiðis má benda á að þátttaka í fjölleiðamóti þýðir alla jafna að leiknir eru fjórir leikir á um 26 klukkutímum. Miðað við þá þekkingu sem er til staðar, þá telst það ekki ráðlegt að leggja þetta mikið álag á þetta gamla iðkendum.

Jafnframt má benda á að bæði fótbolti og handbolti leika deildarkeppni á þessum aldri.

**Vísað til:**  Allsherjarnefndar  Fjárhagsnefndar  Laga- og leikreglanefndar  
**Afgreitt:**  Samþykkt óbreytt  Samþykkt með breytingum  Felld